

Vorrede.

Doch dem Bier / an seinem rham
vñ werden / damit nichts benom-
men.

Ich were willens gewesen /
das ichs hette / bey der ersten Edis-
tion / beruben lassen wöllē / damit
dis mein Büchlin / von Bieren /
mit der zeit / von ihm selbst / were
vndergangen / vnd vergessen wor-
den / Denn ihrer viele / gar hönisch
vñ spöttisch dauon mügen geredt
haben / wie man mich des berich-
tet / Der eine hat gesagt / Ich wer
ein Brawer worden / Der ander /
Es wer ein vnnütz vnd vergeblich
schreiben / das nirgents zu dienet /
denn man wüste zuuor wol / auch
ohn mein schreiben / wie man
Maltz machet / vnd dergleichen /
Der dritte hat gesprochen / Er
wunderte sich / das ein solcher
Mañ / sich so gering Kinderwerck /
zu schreiben anneme vud vnters-
stünde / Der vierde / ist der best
Dane im Korb gewesen / vnd hat
A v gemeint /